

“Уч авлод учрашуви” турли миллат вакиллари ягона мақсад ва буюк ғоялар атрофида жамлади



Фестивалнинг асосий байрам тадбирлари Термиз шаҳридаги муҳташам Муз саройида ўтказилиб, унда давлат ва жамоат ташкилотлари, миллий маданий марказлар вакиллари, Ўзбекистон Қаҳрамонлари, турли соҳаларда фидокорона меҳнат қилиб, эл-юрт ҳурматиغا сазовар бўлган нуронийлар, фаол ёшлар, Тожикистон ва Туркменистон давлатларининг мамлакатимиздаги фавқулодда ва мухтор элчилари, Қозоғистон, Россия ва Тожикистоннинг Ўзбекистондаги элчихоналари масъуллари иштирок этди.

Турли миллат, элат ва авлодларга мансуб юртдошларимизни ягона улуғ мақсад йўлида бир даврага жамлаган фестиваль доирасида дастлаб вилоятнинг саноат, қишлоқ хўжалиги маҳсулотлари, миллатларнинг урф-одат ҳамда маданияти кўргазмаси намойиш этилгани барчага бирдек қувонч улашди. Тинч, обод ва фаравон Ватанда аҳил-иноқ яшаётганидан фахр-ифтихор ҳиссини туйди.

Фестивалнинг тантанали очилиш маросимида кейинги йилларда Ватанимизга чегарадош давлатлар билан дўстлик, ўзаро ҳамкорлик алоқалари кенг йўлга қўйилиб, чегараларимизнинг очилгани, нафақат юртимиздаги тинчлик, тотувликни янада мустаҳкамлаш, балки ён қўшниларимиз билан қадимий ришталаримизни янги босқичда юксалтиришга хизмат қилаётгани алоҳида таъкидланди.

30 июль Халқаро дўстлик кунинининг кенг нишонлангани ҳам ҳудудда истиқомат қилаётган турли миллат вакилларига ўзгача шукуҳ бағишлагани ҳусусида фикр юритилди. Бундай оламшумул воқеалар воҳада яшаётган барча миллат вакиллариининг ҳудудни янги босқичда ривожлантиришга бўлган интилиш ва иштиёқини янада кучайтиргани қайд этилди.

Мустақиллик йиллари вилоятда ўзининг самарали меҳнати, дўстлик ва қардошлик алоқаларини мустаҳкамлашдаги хизматлари, ёш авлодни ватанпарварлик руҳида тарбиялашдек эзгу ишлари тожик миллатига мансуб 94 нафар, рус миллатидан 31 нафар, туркман миллатидан 19 нафар, татар

миллатидан 8 нафар, украин миллатига мансуб 5 нафар, корейс миллатидан 3 нафар ва бошқа миллат вакилларида беш нафари давлатимизнинг фахрий унвон, ордон ва медаллари билан тақдирланди. 12-Меҳрибонлик уйи тарбияланувчиси, рус қизи Вероника Володина Зулфия номидаги Давлат мукофотида сазовар бўлди.

Тантанали тадбирда вилоятни ижтимоий-иқтисодий ривожлантириш ва ёш авлодни ватанпарварлик руҳида тарбиялашдаги хизматлари ҳамда жамият тараққиётига ўз ҳиссасини қўшаётган уч авлод вакилларида бир гуруҳига “Ўзбекистон Республикаси мустақиллигининг 30 йиллиги” эсдалик нишони топширилди.

Иштирокчилар бир пиёла чой устида дилдан суҳбат қурди. Эл суйган санъаткорлар, миллий маданий марказлар вакилларида Она Ватан, дўстлик, эзгулик ва ҳамжиҳатлик, меҳр-муҳаббат ва тинч-тотув ҳаёт тараннум этилган куй-қўшиқлари барчада илиқ таассурот ўйғотди.

Воҳада истиқомат қилаётган турли миллат ва уч авлод вакилларида бир дастурхон атрофида жамул-жам қилган шодиёнада Сурхондарё вилояти ҳокими Тўра Боболов сўзга чиқди.

Ўзбекистон Республикаси Президентининг маслаҳатчиси Турсинхон Худойбергенов иштирок этди.